

度  
支  
奏  
議

度支奏議目錄

貴州司一卷

覆議四川協濟黔省疏

題覆黔蜀楚廣督撫按院原請黔餉疏

覆薊鎮餉司呂一奏收放餉銀數目疏

題臨清鈔關商貨走漏稅課虧縮疏

門閉已久商貨全無疏

門禁漸開門稅宜定疏

覆南戶部叅權司李友蘭韓位甫疏

覆御史董羽宸張灣蠲免商稅疏

題議臨務二關通稅不前疏

覆九江鈔關主事洪周祿條議四款疏

覆通鎮督部破格蠲賑通灣疏

覆貴州解到抽扣克餉銀兩疏

覆貴州巡按恭報屯田新增穀石的數疏

覆貴州解到賦役裁減銀兩克餉疏

題請給發昌平神馬料草價疏

度支奏議卷之一

太子少保戶部尚書潘青畢自嚴視草

覆議四川協濟黔省疏

題爲遵

旨嚴催協黔邊糧謹就道府報數據實上

聞并乞

明旨著爲定例以垂永久事貴州清吏司案呈稟稱

元年九月初二日奉本部送戶科抄出太僕寺

少卿仍以浙江道御史巡按貴州監軍事務陸

獻明題前事等因於崇禎元年八月二十九日

奉

聖旨黔方多事這蜀中協濟餉銀未完的卽與行催解發應解的俱依限報完過限不完照考成例叅罰蜀楚協濟自元年爲始應解錢糧事宜俱如議行土府銀米已有旨別地撥派該部速查具覆瀘州官吏凌虐催差成何法紀耿進明着住俸催解該部知道欽此欽遵抄出到部送司奉此查得四川每年額該協濟黔省銀共三萬七千四百兩

十四兩四錢八分一釐五毫除天啓四年以前  
聽蜀撫銷算外其自五年起至六年止前項額  
銀除借動于疏未上之先者計銀二萬三千七  
百二十八兩五錢三分九釐五毫聽蜀支用外  
餘銀應聽督臣盡數催解該省司庫嗣後仍勒  
定期以錢糧之完欠課各官之殿最深于軍  
興有裨是當載入考成永著爲令者也再查遵  
義東川烏撒等府每年共該折糧賞功銀五千  
五百九十七兩五錢又烏蒙鎮雄二府每年共

該米一萬二千三百二十四石議欲徑歸四川  
布政司徵作京運另將該省有司別項錢糧照  
重慶敘瀘事例改派協濟貴州邊糧查事隸四  
川司該本司行准該司付稱土府協濟歷年已  
久自奢叛已來各司乘機全不解納於茲七年  
今蜀已底定則各司自當照舊徵解黔省自當  
照舊轉催此理之固然若以其催督不應而欲  
以此項銀米徑歸四川布政司徵作京運另欲  
本部查附黔州縣照依原額如數撥派於黔

最得之計而虧蜀京運則又最爲不便也況撫  
撫體尊權重若催督不能行于土府而蜀藩臬  
反能輒催輒應乎是在蜀黔兩撫諭以向來協  
濟大義曲誘照舊輸納則可若議別派似難維  
從也等因呈奉堂批移付到司相應一併議覆  
案呈到部臣等看得黔省地瘠民貧故於附近  
隣省額派協濟

祖宗立法原自盡善盡美嗣因奢酋發難蜀始有題  
留之請今旣底定業經黔督分年立限蜀撫率



循舊制以後自當仰遵

明旨勒限催解嚴之以考成重之以叅罰法在必行  
毋容再議矣至於土府協濟銀米據督臣之疏  
拖欠已非一日原不過存羊微意耳今在黔委  
失故吾但欲蜀以此虛名而抵京運另議撥補  
是名雖責償于蜀而實則縮京運之額以濟黔  
也今九邊額餉已缺至二百餘萬奚堪再虧成  
數乎惟是黔當軍興繁苦額設協濟焉得徑歸  
焉有况烏蒙烏撒等土府傾心向化歸我版圖

蓋亦有年今宜責令撫道諸臣諭以

聖天子威靈向背禍福務使遵制輸誠克復舊物俱  
蜀撫無另派之煩而黔督蒙協助之惠是所厚  
望于諸臣也外如奸書噪卒俱聽督臣究處順  
慶府同知耿進明住俸催解完日報部另議開  
復庶錢糧少資接濟而黔局可望收拾矣既經  
題

請前來相應覆

請恭候

命下臣部移咨總督及咨都察院轉行貴州巡按

史一體遵照施行

崇禎元年十月二十八日具

題十一月初一日奉

聖旨是欽此

題覆黔蜀楚廣督撫按院原請黔餉疏  
題爲黔事不可再悞黔餉不容再虛謹就部覆虛  
數逐一開明懇乞

聖明獨斷以自爲封疆事貴州清吏司案呈崇禎元  
年八月初二日奉本部送戶科抄出太僕寺少  
卿仍以浙江道御史巡按貴州監軍事務陸獻  
明准貴州總督張鶴鳴會稿題前事等因于崇  
禎元年七月二十八日奉

聖旨黔餉二百萬之說談何容易但計臣之應須款

款覈實黔臣之求須着着愛惜用兵用餉何以  
敵相當播事何以省而得黔事何以費而失爾在  
事諸臣佇有必然之畫勿作不核之筭該部同該  
科悉心具奏不得稽延欽此又于崇禎元年八月  
初七日奉本部送戶科抄出貴州巡按陸獻明  
題爲黔事宜結黔餉宜措懇乞

聖明俯允末議

勅部酌處實數覆

請速發以殄恬終之叛逆以省遷延之多費事等因

于崇禎元年八月初五日奉

聖旨黔餉已有旨了該部知道欽此欽遵抄出到部  
送司奉此隨該本司遵奉

明旨內事理呈堂并征播原卷移文戶科悉心酌議  
本後續奉本部送准戶科署科事給事中陳良  
訓移會刑事內開看得封疆事重全黔一塊土  
凡屬臣子熟急急公不思其濟也第當此三  
吁盡而請餉二百萬則

明旨所謂談何容易劃然微中矣夫兵止此數餉止

此數平日堅壁清野之兵卽進剿大舉擊刺之  
兵則平日分給之月餉亦可於進剿之整餉作  
數今置月餉弗論而別請整餉無乃名二百萬  
實已三百萬餘耶卽地方通欠額數

朝廷豈遂棄之而楚蜀西粵又悉聽黔督號令文告  
可達者與其費征催費輸解又自計部運之黔  
孰若就彼催就彼用良亦甚便非盡搏沙盡餅  
總之黔督念勤進剿則抹馬厲士必得所請而  
快計部酌量公聚則那東補西亦竭苦心相

第必欲整整肅肅揭二百萬手授恐計部不  
以無米炊本科職掌相關卽有熱腸奚能點  
則征播一案時勢原自不同不得按圖索驥矣  
等因到部送司查議間又於崇禎元年十月二  
十八日准四川清吏司付崇禎元年十月初七  
日奉本部送戶科抄出提督軍務巡撫四川等  
處地方兵部右侍郎兼都察院右僉都御史尹  
同臯題爲西賊糾衆入犯蜀兵并力追剿大獲  
全勝謹據實塘報事等因於崇禎元年十月初



一曰奉

聖旨這所奏捷功與前總督張鶴鳴疏兵部一併  
詳具覆蜀欠黔餉遵旨速解往年爲兵事動支餉  
確查回奏土府銀米已有旨戶部查覆所請剿餉  
五十萬一併看議來說欽此欽遵抄出到部送司  
奉此查得蜀額黔餉三萬八千餘兩及土府銀  
米業經貴州司查議具覆無容再議至於剿餉  
五十萬查川省原有天啓六七年分加派及協  
濟陝西銀共三十四萬三千餘兩本部業經

准借撥黔餉復因川撫題議蜀兵四萬未經議餉議  
將前銀畱用本部止于中和出八萬七千餘兩  
解補黔餉之額尚存二十五萬有奇畱蜀以抵  
協剿亦已奉

旨通行今川撫復題議請給實數竝該省應征錢糧  
俱攤虛額乎若欲必足五十萬而後慊是以無  
米而索炊也

明旨着看議來說應照前議具覆等因呈堂批送到  
司奉此又于崇禎元年十一月初三日奉本部

送戶科抄出南京山東道試御史章金鉉題  
一統盛治宜振蕩平要著宜速謹陳芻蕘以固封疆  
以塵

聖覽事等因崇禎元年十一月初一日奉

聖旨這所奏黔事情形亦悉各省額設黔餉欠數該  
部通查行催以備大舉冗員委當議裁但黔方用  
兵旣云裹足不入再加裁減能無誤事還着督按  
官酌議具奏該部知道欽此又于崇禎元年十一

月初一日奉本部送戶科抄出貴州總督張

鳴題爲恭報天啓七年兵屯收穫數目并敘  
屯文武將吏仰乞

聖明加恩鼓舞以廣屯政以裕邊儲事等因崇禎元  
年十月二十六日奉

聖旨該部覆覈議奏欽此又于崇禎二年正月初八  
日奉本部送戶科抄出貴州總督張鶴鳴題爲  
微臣請餉成空部覆盡爲虛數謹逐一開明以  
銷虛案事等因崇禎元年十二月三十日奉

聖旨黔餉除湖廣四川協濟舊額外有楚餉七十七

萬廣西折兵銀十五萬又有屯田事例准鹽筴銀  
每歲已及百萬卿調度有方自足制勝不必爭執  
求多香稅不足充餉已有旨了該部知道欽此又  
于崇禎二年正月初八日奉本部送戶科抄出  
貴州總督張鶴鳴題爲圖賊有機楚餉不繼謹  
摘出戶部咨撥款項可議者仰乞

嚴旨責成畫一實餉以資滅賊事等因崇禎元年十  
二月三十日奉

聖旨黔方用兵圖賊這楚蜀粵西應解協餉併事例

等銀着照數催解違悞的聽黔督撫叅處武當  
稅原無盈餘援納文引述與題給該部知道欽此  
又于崇禎二年正月二十九日奉本部送戶科  
抄出貴州總督張鶴鳴題爲塘報逆賊出犯情  
形事等因崇禎二年正月二十六日奉

聖旨據奏逆賊出犯情形蚤宜戡定蜀楚額餉該撫  
按嚴催徵解務期接濟朱熒元前六月特起且辭  
疏久已得旨如何尚未到任大臣誼在體國着卽  
刻期接代不得再稽該部知道欽此又于崇禎二

度支部奏  
年二月初五日奉本部送戶科抄出四川巡撫  
田仰題爲殘蜀兵餉難繼撥解萬不能支伏乞  
勅下該部從長酌議亟畱蜀餉以飽蜀兵豫定剿兵  
兼定剿餉以無誤封疆以張撻代事等因崇禎  
二年正月二十九日奉

聖旨黔難未平據奏遵永二路兵餉原題畱三十四  
萬中有遼秦黔餉俱不可缺作何計處該部確議  
來說其尹同臯七十三萬積貯果否實在看田仰  
速查明具奏該衙門知道欽此又于崇禎二年三

月初八日奉本部送戶科抄出貴州總督張鶴鳴奏爲恭報天啓七年黔餉銀兩以備查覈事等因崇禎二年二月初三日奉

聖旨戶部知道欽此又于崇禎二年二月十二日奉本部送戶科抄出貴州總督張鶴鳴題爲查覈屯餉完欠照例分別紀錄參罰以昭勸懲事等因崇禎二年二月初八日奉

聖旨該部知道欽此又于崇禎二年二月十九日奉本部送戶科抄出四川巡按張樞題爲殘蜀兵



餉難繼撥解萬不能支伏乞

勅下該部從長酌

議亟畱蜀餉以飽蜀兵豫定剿

撫定剿餉以無誤封疆以張捷伐事等因崇禎  
二年二月十五日奉

聖旨已有旨該部確議着作速具奏欽此又于崇禎

二年二月二十三日奉本部送戶科抄出兩廣

總督王尊德題爲貴州賊情甚逆賊勢可圖恭

懇

聖明定捷伐之全計以靖危疆以畢

天討事等因崇禎二年二月十九日奉

聖旨安賊機有可圖截定宜亟黔餉俟朱燮元到日  
條奏酌議設處驛禁屢旨申嚴如何尚仍需索着  
該撫按官行該管衙門力行杜絕果能破除積習  
省却賠累與註上考龍爲光該部卽速看議具奏  
欽此又于崇禎二年三月十五日奉本部送黔  
科抄出貴州總督張鶴鳴題爲黔局未結餉脈  
難斷懇乞

賜撥餉接濟支放以保危疆事等因崇禎二年三

月十一日奉

聖旨該部卽行議覆川楚餉銀還與移文速催欽此  
又于崇禎二年三月十五日奉本部送戶科抄  
出貴州巡按陸獻明題爲黔局未結餉脈難斷  
懇乞

賜撥新餉接濟支放以保危疆事等因崇禎二年三  
月初十日奉

聖旨已有旨了該部知道欽此又于崇禎二年三月  
十七日奉本部送戶科抄出湖廣巡按宋景雲

題爲查覈屯餉完欠照例分別紀錄叅罰以昭  
勸懲事等因崇禎二年三月十二日奉

聖旨該部知道欽此欽遵抄出到部通送到司奉此  
該本司看得四川司付議蜀撫奏內事理與黔  
督所請總屬一事及南道臣條議除裁減冗員  
寧隸吏部聽移咨督按官酌議督臣疏內援納  
文引及屯田有功員役應聽吏禮兵三部速與  
題給并敘錄外其行催逋餉新派廣西協助及  
新撥蜀抵還黔楚餉額數各一節相應一併議

履案呈到部該臣等看得自黔中狡酋逆我顏  
行數年以來費餉無算督臣張鶴鳴深痛坐糜  
之弊乃請頒發二百萬以圖大舉其志誠壯臣  
部豈不心知之惟當此三空四盡之秋此二百  
萬者亦談何容易也

天語煌煌真悉臣部之苦楚痛物力之艱難矣前計  
臣數款奏處非盡子虛烏有也將督臣有通融  
權宜之妙術蜀粵有同舟共濟之熱腸乃彼此  
爭執葛藤不斷臣於此時不件件撫實求爲可

繼於百萬內定爲永久之策致令支吾不已徒  
卸擔於臣部如黔事何查黔中有事一切兵餉  
盡仰給於三楚之加派雜項計五十五萬一千  
八百餘兩及南糧正耗米折銀二十萬六千餘  
兩在天啓七年以後又將原撥抵江陵衡陽二  
縣加派并雜項耗席等銀一併協黔共該銀七  
十九萬九千四百三十兩此黔餉之原額要皆  
分遠人之物割南庾所有以爲恢復黔土計耳  
因南計臣屢疏告匱將南糧一項分撥一半以

還南庾該銀九萬三千五百八十兩零在黔中撫臣按臣方屢疏求多而我反奪其正數乎但年來帑藏空虛卽一鎰一銖俱有款項因查四川解京加派銀每年額徵一十二萬一千三百四十四兩八錢九分協濟陝西四鎮銀每年額徵十萬四百三十五兩二錢載在會計非本省可動移者蜀有奢難天啓五年以前爲督臣所題畱者不必問矣六七二年加派共該二十四萬二千六百餘兩七年協濟陝西銀共該十萬

四百餘兩前臣部就此二項中分撥八萬七千兩以補黔餉之缺額似不爲多蜀撫尹同臯藉口用兵直欲一筆勾銷一毛不拔夫蜀今雖多事視之奢酋發難成都被圍重慶淪沒之時亦宵壤懸矣可藉口留餉戀不肯割乎卽云奉

旨協勦豈昔年奢變之前遂無一兵一馬乎且撫臣曾報節省銀七十餘萬現貯各庫者此獨不可用之餉兵而必以永遵協勦之故索五十萬於臣部互相抵塞乎無怪乎督臣謂扯張代李而



嘵嘵不平也况永寧等處屯田據兵道孫學詩  
冊報又已我疆我理歲入不貲矣何詎不可爲  
協勦之需而必厚索多餉以爲黔難兼爲臣部  
難也今議自崇禎元年爲始撥與黔者照數徵  
解蜀中已用者造冊報部徹底清筭夫黔旣圖  
大勦之舉則此每年二十二萬有奇當盡數付  
黔惟蜀爲黔協勦亦當分食黔餉臣就中分割  
以協濟陝西銀十萬四百三十五兩零每年解  
黔以加派十二萬一千三百四十四兩零存貯

蜀中司庫俟黔中大勦蜀兵協進方准動支寧  
平之日仍還臣部協秦者歸秦餉遼者歸遼永  
爲定規倘徵解失額輕易動支者臣部得以涖  
繩之如蜀必需此餉以爲歲供則前所報節省  
七十餘萬又當畱爲大勦之需不得分毫輕動  
矣此二者惟新舊蜀撫擇取一焉又查蜀楚二  
省有

祖制 賜助黔中邊糧銀四川該三萬九千兩湖廣該  
三萬八百兩四川又有土府額派銀五千五百

九十七兩米一萬二千三百餘石二省轉輸歲有常規况黔中軍興正急卽盡數與之猶恐不給蜀欲請盡蠲免廼云割蜀之內以補黔之瘡如同仇之義何如報

國之忠何計此項共該七萬四千餘兩米一萬二千石儘足濟用乃督臣又云原作廩祿公費不欲入之正項曾不思疆圉多事應搜括者無不搜括應節省者無不節省積累一分須作一分之實用又不得浪費於無用者也粵西於黔省

震鄰之危懼黔徵兵不過以十五萬虛語巧飾  
眼前而取以供應者乃遼餉正額臣念瘠僻之  
隅不堪重賦議將新設梧兵每年糜新餉二萬  
餘兩旣免調援自應裁革盡數解黔臣前疏題  
明已奉有

明旨矣慮其不足又以加派中雜項八千餘兩與之  
此臣部之設處也查粵西如祿餉鹽本等銀仍  
有無礙銀兩可以那移新撫臣宜多方搜括務  
足五萬之數以應其急嘗聞舊撫臣何士晉之

撫粵西不二年而湊辦不下幾十萬數年來

方免加派之苦新撫臣急公熱腸誼切同舟

豈有後焉試合三省數項銀兩計之約有九

四萬二千二百餘兩再佐以新開事例如近

總收銀一萬一千三百九十餘兩與本省新

兩淮鹽課每歲該銀六萬五千兩業已行之

緒是匪但有實實落落之百萬且已溢於百

之外矣酌宇內之盈虛罄三省之物力從前

多虛數臣今俱歸實案其費幾許唇舌嘔幾

心血始克有此願督臣勿存乎見少也且查年  
來實用原未取盈八十萬亦足聊支目前則今  
卽以八十萬爲額亦無不可善哉臺臣章金鉉  
之言曰財賦艱難用度宜筭點縱不減兵以就  
餉亦當惜餉而精兵每年兵餉以八十萬爲定  
額存貯二十萬以俟大舉有備無患真得全勝  
之術者矣卽新督臣朱燮元履任在卽勝筭無  
前必有撻伐壯猷吞夷妙畧然臣所計餉力止  
此矣不能更爲增益矣臣於此而更有說焉苗

仲倚山附峻勝則彪捍長驅敗則奔突深林  
易以兵力角勝也今不患無折色而又患無本  
色昔年負運之艱三十鍾而致一可爲殷鑒督  
臣張鶴鳴倣充國遺意營屯於赤畢之間以通  
其聲援激勵將士督率屯田七年初行之便入  
穀八萬石可抵折色數萬不謂無屯之利矣必  
團練路兵以防其侵掠招納仇叛以剪其羽翼  
歲額須有實際積貯可備不虞則本折相資而  
宿飽可望繇是而以屯爲戰以勦爲撫又何道

難滅之酋而遺我

皇上東顧之憂也哉至於今昔之物力稍異安播之  
勢局不同臨機應變新舊督臣自饒爲之非臣  
部可越俎而豫料者也伏望

天語叮嚀詳加申飭彼此不得爭執推委危疆幸甚  
臣部幸甚既經題

請前來相應覆

請恭候

命下臣部移咨貴州總督并四川廣西巡撫及各都



察院轉行各巡按御史一體遵照施行

崇禎二年三月二十八日具

題四月初四日奉

聖旨這覈奏黔餉一百餘萬俱係實數往日安酋未  
變黔省豈無一兵一糧若分別新舊將原額資守  
禦增設備進剿條緒分明何虞匱乏乃動必取盈  
二百萬頓兵待餉轉盼虛擲詎屬良圖督臣朱爌  
元到日着畫定規程從新整頓不得因仍舊習至  
永寧故地國家費多少財力入我版圖豈是不毛

况土著人稀耕闢尤易著孫學詩悉心料理屯種  
奏報抵餉歲入漸充先將陝西協濟銀扣還蜀撫  
亦不得爭執該衙門知道欽此

覆薊鎮餉司呂一奏收放餉銀數目疏

題爲軍兵鼓譟動以索餉爲名謹開陳收放餉銀  
數目仰懇

聖明洞察以剖白職掌伏聽

處分事貴州清吏司案呈崇禎二年四月十七日奉  
本部送戶科抄出薊州鎮糧儲郎中呂一奏奏  
前事等因本年四月十五日奉

聖旨呂一奏已有旨查議這收放餉銀等事一併覈  
實具奏該部知道欽此案查該直隸監察御史方

大任題爲微臣欽奉

聖諭潛行體訪等事本年四月十一日奉

聖旨據奏王應多貪黷恣肆尅餉虐軍大辱國體卽  
着錦衣衛的當官旗扭解來京究問呂一奏稽餉  
情弊併臺兵該管將備有無挑發都着查明另議  
總督鎮道各官調度解戢少贖罪愆姑着策勵任  
事歸信臺兵補缺伍督責守望申明紀律榜諭通  
知該部知道欽此欽遵抄出到部送司查議間今  
據呂郎中具奏前來該本司查得薊鎮軍餉除

新經裁汰外每年額該題發新舊餉銀共五十五萬五百五十三兩九錢五分三釐五毫五絲據呂郎中疏內開稱自崇禎元年四月十二日到任起至崇禎二年三月初四日鼓譟止計十箇月舊管銀五萬一千四百八十九兩一分三釐零該司稱係前任零星預支於各營路訖俟至應支年月算除明白方登月報開銷此銀雖無在庫仍作舊管造冊又新收銀五十萬五千二百三十三兩一錢二分四釐零共銀五十五萬二

千一十二兩一錢三分七釐零共支放過五十  
五萬一千七百八十五兩一錢三分七釐零又  
舊管內實貯鎮庫銀二百二十七兩此鼓譟以  
前收放之數該司所謂見月餉銀分毫不缺者  
此其大槩也其三月初五日以後本部派運新  
舊餉銀共一十五萬餘兩據稱解交遵化督撫  
道鎮聽候自行給散候有掛號冊領到鎮另行  
呈報此鼓譟以後解發之數也本司以舊餉係  
總餉司所發新餉係新餉司所發移文兩餉司

查覈去後隨准邊餉司付稱查得薊州鎮冊報  
舊管銀共一萬六千一百三十七兩三錢三分  
五釐七毫八絲零京運銀二十一萬五千兩與  
本部發過銀數絲毫無異至於民屯還官等項  
銀兩據該鎮報冊收過六萬六千一百四十二  
兩四錢一分一釐八毫零逐項磨算總撤相符  
其放過二十八萬三百八十七兩四錢四分一  
釐四毫零放剩銀一萬六千八百九十二兩三  
錢零備細查算總撤無差等因又准新餉司付

稱查得蘇鎮餉司呂郎中冊報任內自元年四月十二日起至二年三月初四日止內開舊餉新餉三萬五千三百五十一兩六錢七分七釐二毫零新收新餉銀二十一萬九千三百八十八兩七錢一分二釐四毫零本司因查有支剩銀節省銀崔犯賊銀扣抵月餉項款數目不對已經呈堂劄回該鎮備查去後隨據造冊回覆前來本司細加查覈令之內部劄發扣抵之數自元年四月十二日起至二年三月初四日止



冊所開舊管三萬五千三百五十一兩六錢  
分七釐零新收銀共二十一萬九千三百八  
兩七錢一分二釐四毫零項款俱對數目亦符  
業奉堂批據查既已不爽准候題覆又該邊餉  
司復奉堂諭仍將呂一奏自元年四月十二日  
起至二年三月初四日止逐月放糧數目併悉  
查出薊鎮舊餉約略每月該銀三萬六百二十  
四兩二錢零計呂郎中任內十箇月共放過二  
十八萬三百八十七兩四錢四分一釐四毫八

絲一忽並已放各營不足一月整未敢開銷仍  
作貯庫銀一萬六千八百九十二兩三錢零以  
上支放存貯共銀二十九萬七千二百七十九  
兩七錢四分零內止欠京運民屯等銀八千九  
百六十三兩三錢七分開冊呈堂復蒙堂批此  
係薊鎮未鼓譟以前收支餉數亦與額月無大  
虧少則壓欠數月其爲從前積欠之數明矣鼓  
譟以後收支餉數亦宜算明併入疏內該邊餉  
司復查得薊鎮自三月初五日起至四月終止

舊餉舊管銀一萬六千八百九十二兩三錢  
京運八萬兩民屯還官等銀二萬三千八百  
十三兩二錢以上共一十二萬七百六十五兩  
五錢零三四兩月共放過一十一萬三千七百  
三十九兩七錢二分零已放各營不足一月整  
未敢開銷仍作貯庫銀七千二十五兩七錢七  
分零該新餉司復查得薊鎮自三月初五日起  
至四月終止新餉舊管銀二萬二千八百六十  
八兩九錢七分一釐零京運七萬五千六百六

十兩一錢一分四毫零還官銀三百五十兩九錢七釐三毫以上共銀九萬八千八百七十九兩九錢八分八釐零三四兩箇月共放過八萬九千五百二十八兩一錢一分六釐一毫零仍該銀九千三百五十一兩八錢七分二釐八毫零已放各管因不足一整月未便開銷仍作實在開報復蒙堂批准照數入疏隨該新餉司會邊餉司面會貴州司將餉司呂郎中原抄合算舊管新收俱已不爽等因到司相應具覆案

到部該臣等看得管理薊鎮邊儲郎中呂三  
專

勅而膺筦鑰之司軍情物望攸繫治餉而值脫巾之  
變投繆挾纊弗聞重以人言藉甚豈爲能業其  
官有如過舉昭彰距止或褫其秩臣部伏奉

明旨查其稽餉情弊覈實具奏顧餉務係臣部職掌  
而一奏所關管分理者也當此三空四盡軍計  
兵譁之時臣方日夜隕越寢食不寧但有外鮮  
一到臣部登時派發不啻救焚拯溺甚有預給

庫劄而先期候銀者太倉之金錢實不能以旬  
日淹也卽如薊鎮呂一奏任內未鼓譟以前十  
月臣部發過舊餉與伊收過民屯等項合算僅  
少數八千兩有餘而新餉則足額矣旣鼓譟以  
後兩月臣部發過新舊二餉及收民屯等項共  
一十九萬六千有餘且以補累年之積欠矣臣  
實三令五申戒無稽餉其該鎮兵餉壓欠數閱  
月以致各軍兵得藉爲口實者則從前積欠之  
數耳蓋

國家財賦止有此數輓輸而入之太倉者卽輓輸  
而出之各鎮臣部原無存貯經時輓輸而出之  
該鎮者仍分散而入之營伍餉司俱有文冊可  
稽今查餉司只一奏收支俱各按月出入未見  
侵漁案籍具存磨算有據此臣所爲督行各司  
逐款覈之再四駁之而未敢扶同結局者也惟  
是

國朝制度原於各邊督撫兵道之外設立餉司二  
官內與臣部呼吸相通外與督撫兵道緩急互

濟薊鎮兵變旣以缺餉爲名本官職專錢穀  
亦緩急調濟之間有未盡協機宜者乎人言  
至彈章屢及臣部姑爲查其支放確數以復  
明旨至於一切官箴罪狀應聽輿論公評所當速令  
解任回籍以俟吏部覆議  
處分用示創懲者也

崇禎二年六月初七日具 題本月二十七日奉  
聖旨呂一奏職司軍儲兵譁責難他諉着降二級調  
外任用該部知道欽此



題臨清鈔關商貨走漏稅課虧縮疏

題爲商貨走漏稅課虧縮懇乞申飭以備時艱事  
貴州清吏司案呈奉本部送據管理臨清鈔關  
署員外郎事主事孫如蘭呈前事內稱據臨清  
鋪店戶羅泰等連名稟稱臨清一關額課獨多  
蓋緣買者賣者皆集臨清近年因何道淺淤闡  
座難行凡往北直山陝邊關等處發賣貨物皆  
自濟寧張秋等處起旱遶道經高唐德州館陶  
等處竟送地頭交易或附糧馬座船在於關之

南東昌梁家淺關之北鄭家口油坊等處卸堆  
脫稅任賣離城三里稅法不行是以奸者巧于  
遶道而避稅拙者亦繼其後而效尤清關之課  
日益不足前經移文攔查緣未題

請故屢行而屢止此時近額尚不能敷有限坐商不  
便加增當於虧額根源之處加意旁通切思九  
江潁墅等關長江天塹水路經繇止於稅船故  
無走漏之弊惟臨清與河西務二關舟車輪蹄  
四通八達易於彼此遷徙遶道躲走故河西務

關於隣近地方武清等七處皆屬統轄凡有走漏始可追問陳乞申請部堂比照河西務關例轄隣近走稅高唐德州濟寧張秋館陶等處凡有走漏責令巡查押解來部納稅年終舉劾使州縣知有責成不敢視爲故事則稅課自足矣等情到關據此照得本關徵收料稅昔年河道疏通商貨湊集原額本關八萬有奇彼時徵解亦有及額者自萬曆三十年以後商賈躲漏漸缺原額而止收至四五萬兩

國課日見大虧前任管關各官具呈議處曾經移  
文濟東兗三府出示招徠曉諭赴關報稅奸商  
反稱生事司官職微與地方官原無統屬掣肘  
難行又經本部題奉

欽依如商貨無臨清紅單而徑至通灣崇文門者悉  
從漏報論去年四月內又奉本部題奉

欽依議核鈔關冒漏一款內開各商起脚之處卽宜  
於頭一稅關告給印信長單經過之處照單驗  
號至落脚稅關又投繳驗如一處未經掛號卽

係一處避躲落脚未有起脚印單卽係一路漏稅當照例嚴處依法中抽等因除本關遵依外其南來起脚並無長單到關而落脚地方又未見有查本關長單者北直隸等處盈市貨物曾有臨清稅單否則其走漏甚明矣再照河西務鈔關所轄迤州等七處凡商貨經過俱係該地方巡查赴務報稅臨清彈丸一地稅額且多濟寧州張秋鎮相去本關盈盈一水見開大店卸寄商貨催覓車腳路繇高唐德州相去百里任

其走漏目今河水實艱漕船經年催趕不前今  
春河枯尤甚商船委難通行近又加增稅額柰  
本關與地方有司原無統屬不敢擅自行文巡  
查稅課日見大虧今據陳稟前來合無軫念時  
艱束手無策之日比照河西務鈔關事例專責  
巡查懇賜題

請行山東撫按着令濟寧張秋梁家淺高唐德州尖  
塚館陶各州縣委官巡查凡商貨經過驗有鈔  
關紅單貨數相同掛號即便放行如無鈔單將

貨截留押令赴關投稅仍禁不許因而生事擾  
害行旅如有賣放等弊許本關訪實呈部叅處  
有功者年終優敘庶事有責成商稅不致走漏  
國課亦有裨益矣等因到部蒙批近來臨清稅額  
大減總緣漏稅所致據呈俱令赴關投稅各州  
縣驗單掛號放行似亦杜絕漏稅之一法也應  
否題

請該司查議妥報到司奉此看得臨清關水陸環通  
商賈鱗聚舊額稅銀八萬三千八百兩較之南

北榷關浮於數固其地然亦其時然也嗣後東  
省災傷遼左失陷行商漸少解額頻虧該本部  
於崇禎元年十月內題爲軍餉維艱等事內將  
該關原額減銀二萬兩豈惟無增且議減者總  
期其必完耳不謂近來行旅巧漏坐商生心該  
關并憂減額之不敷而拘拘有請也據請欲照  
河西務例責令附近州縣巡查經行商貨赴關  
投稅委爲便計然州縣豈關令所及巡查豈空  
文可舉自非恪奉



明旨嚴行申飭不但奉行必不謹卽奉行之中擾弊滋焉其於

國課終無裨益矣呈堂蒙批准具題申飭奉此案呈到節該臣等看得各關額課俱有新增而臨清獨無於舊該關其何辭焉但權令每厄於限地面則實逃避於臨歧株守旣難爲待鞭長又不可及權關司官徃徃蹙額稱苦規避不前茲必欲以完課責該關勢不能以脫稅寬近地也矧今邊餉告急中空外盡之時有等奸商公然

走漏於道路彼何倖哉未可置之不問矣及查各關無論河西一處隣近地方設有巡攔卽在大江南北支流別港亦多防範茲議濟寧等處委官巡查驗單掛號此不過以應納之分數覈各商於該關原非厲禁而卽以應補之正稅還該關以充額亦無多求所在州縣有司孰無急公憂

國之念亦何彈而不爲乎惟在各該地方專委職官稽查差役需索有禁額外橫徵有禁則可行

之永永而無弊矣匪第新額可完卽以漸復舊額可也旣經該司查呈前來相應具題恭候  
命下臣部移文山東撫按行濟寧高唐德州館陶等  
附近臨清州縣及張秋梁家淺尖塚等經積商  
貨處所委官查覈驗單放行如無紅單卽係漏  
稅呈報該關照貨補納仍禁因而生事擾害行  
旅如有員役賣放情弊各州縣嚴加查訪報關  
呈部不時叅究有功者年終優敘併劄臨清鈔  
關遵照施行庶地方知所責成商稅不致漏脫

臣部得執額課以繩該閔而解數無不敷之憂  
矣

崇禎二年七月十一日具

題本月十四日奉

聖旨是欽此

門閉已久商貨全無疏

題爲門閉已久商貨全無伏乞代題以免曠職事  
貴州清吏司案呈奉本部送據管理崇文門河  
南清吏司主事劉鎬呈前事內稱職自十一月  
十七日接管主事宋治寧崇文門稅務正值虜  
警三日內驗放過油酒貨物稅銀四百八十一  
兩有奇分解寶和店太倉庫太常寺等處蓋宋  
主事放驗不盡之遺也至二十日而各門俱閉  
商稅遂止本部堂以職無所事事蒙劄委接濟

廣渠永定門各官軍料豆置辦犒軍熟不朝夕  
奔走供給不暇私心妄揣蠶虜遊刃日夕撲滅  
今月復一月歲已云暮行商在道者避匿日遠  
卽事平非數月不能到近畿酒麴牲畜稅居一  
半舉皆逃亡亦非數月不能休養職見內監宋  
尚忠一疏爲哀籲

天恩暫免課程事奉

聖旨門課暫免併嚴禁科索夫有門課然後有務科  
門課旣無務稅不開其無可知伏乞代題後虜

氛盡息商貨通行然後算稅庶職得安心供事  
無累考成等因具呈到部送司案呈到部該臣  
等看得崇文門宣課司稅銀原額六萬八千九  
百兩有奇崇禎元年具題以九萬兩爲定額崇  
禎二年又加羨餘銀三千四百兩有奇管督司  
官以受事日爲始年滿爲准此

國家自然之利一毫不可少者今戎馬生郊各門  
盡閉無米貴炊委實難供此主事劉鎬之所懇  
懇控告者也合無令其將三日內所已報稅銀

四百八十一兩有奇另行銷算其落地猪羊等稅亦就見在續報以後仍該九萬三千四百兩有奇額課須自門禁大開商貨通行之日爲始然後按期而責償焉庶

國課不致大虧而司官亦得安心供職矣恭候命下臣部劄行本官逐一遵守施行

崇禎二年十二月二十日具

題本月二十三日奉

聖旨是欽此



門禁漸開門稅宜定疏

題爲門禁漸開門稅宜定懇乞

聖裁以便遵守事貴州清吏司案呈管理崇文門宣  
課主事劉鎬呈職於崇禎二年十一月十七日  
接管主事宋治寧稅務僅三日而門閉商阻已  
經本部題將落地猪牛羊等貨就見在續報其  
原額併新加額共九萬三千四百兩俟門禁大  
開商貨通行之日爲始然後按期而責償焉十  
二月二十三日奉

聖旨是欽此職查落地食貨陸續不絕但先經提督  
內臣宋尚忠等具題奉有門課暫免之

旨職欲一槩不問則前疏業已得請欲逐一詰徵則  
恐違暫免

明旨伏祈代題應否一槩蠲免免致奸牙影射與脚  
稅科索等因案呈到部該臣等看得崇文門主  
事劉鎬接管僅三日遂值虜警臣因其無所事  
事臺令買運料豆製辦犒食幸能無悞期會續  
因額稅浩大慮及考成臣爲代

題以商貨通行日爲本官接管定額之始落地食  
貨就見在報徵蓋寬商裕

國庠幾兩便已奉

俞旨 在案而各行經紀援內監宋尚忠額免門課一  
疏猥稱一槩停免此劉鎬所以復有茲請也及  
查宋內監疏中並無帶入宣課字樣但未奉

天語剖明而遽從譏察不惟口說易滋且恐撓阻難  
行合無除商貨額稅俟解嚴通行之日爲始其  
落地食貨或照臣前疏見在徵報以充

國計涓滴之供或比照門課一槩暫免以廣

聖明浩蕩之仁

威命出自

一人取舍總繇

乾斷伏祈

聖裁頒布以便遵守庶國計人情兩無違礙矣

崇禎三年正月十五日具

題本月十六日奉

聖旨這貨稅就見在徵報不得借門課希旨欽此

覆南戶部叅權司李友蘭韓位南疏

題爲權司久騰物議考覈踰期謹據實糾叅以肅  
關政以儆官方事貴州清吏司案呈崇禎二年  
十月二十九日奉本部送戶科抄出該南京戶  
部尚書鄭三俊題前事崇禎二年十月二十三  
日奉

聖旨戶部知道欽此欽遵抄出到部送司奉此案呈  
到部該臣等看得管理北新鈔關南京戶部江  
西司員外郎李友蘭貪污志行暴橫權徵惟知

阿堵薰心不顧官箴掃地卽有額外羨餘之鮮  
奚道苛索剋剝之愆雖已在籍丁艱似難姑置  
不問至接管司官霍化鵬潦倒病軀懶癖廢事  
致叢物議噴有人言該南京已另委而本官已  
卸事矣次則淮安板開之韓位甫著有貪名先  
經大察俱應聽吏部酌量重輕議處外至於倉  
差雖係註選但任使不稱則愆事必多不拘年  
限咨部改調誠爲有見卽以管倉廉幹者與俸  
深夙望者挨序以承權關之差深得調劑之法

可救貪黷之弊再照貨物抽徵原有則例自經  
裁空虛邊餉告匱頻議增益原非得已乃司權  
者不論貨物精粗一槩徵求無已間有不肖朋  
捐增稅之名暗行苛歛之術致使怨聲載道商  
賈不行非所以惠商而裕

國也應如南計臣所請通行各該撫按悉心計議  
逐項分別酌定規則永著爲令刊榜通知朕稅  
有一定之規商無裹足之慮矣抑臣於此更有  
說焉衙役原有定數增一人則地方受一人之

害今疏叅北新鈔關書皂等役數百人一關之  
大幾何可令若輩內而養食公帑外而鯨吞各  
商羣虎而翼磨牙擇食莫敢誰何舉一關而各  
關可知也今應行令各差將衙役裁定以政務  
之煩簡爲人役之多寡備造年貌籍貫文冊報  
部存案如有更易照依名數補入不許額外多  
增一人如有多用卽係濫收司官考覈之目卽  
以此爲殿最蓋權爲利數而人易逐羶有清政  
者自有一番清汰之法潤澤而更變之在大舉



行何如耳若夫匪人濫竽前車可鑒人實有誰能掩之是當亟爲猛省者也合候

命下臣部通行各該撫按并該管司官一體遵奉施行

崇禎三年三月初五日具

題本月初八日奉

聖旨權司潔已奉公始可惠商裕國李友蘭韓位甫久著穢聲革處未盡還着究贓行追用懲貪吏霍化鵬吏部議處酌開差定規則裁吏胥俱於關務

有裨依議行該部知道欽此

覆御史董羽宸張灣蠲免商稅疏

題爲勘報薊西情形併隨事酌議以請

聖裁事貴州清吏司案呈奉本部送准吏部咨前事  
崇禎三年四月初九日該巡按直隸監察御史  
董羽宸題前事內一款張灣商稅出於商貨自  
賊入以來行者居者皆絕稅安從出近各行經  
紀間有歸者告苦紛紛欲仍舊則逋額難賠仍  
逃則生理無託乞蠲乞減情實非假臣查其額  
原係

內府寶和店光祿寺太常寺太倉所不可少之供  
但目下實無可徵乞查自十一月起至正月盡  
共三箇月十分蠲免餘月酌量議減聽其有收  
卽解以俟事平如額可也除臣據呈嚴查岔道  
漏稅各處通行禁戢外相應代請乞

勅各衙門酌行等因奉

聖旨這勘卹過薊西地方缺官的速與選補缺錢糧  
的速與協濟務使吏民安堵巡官周珂等行各原  
籍提究南胥巡騙錢糧行提究革餘款并著該衙

門作速覆行欽此欽遵到部爲此合咨前去煩  
查照

明旨事理欽遵施行等因到部送司擬議呈堂具覆  
間又奉本部送據管理通州乞運山東司主事  
林弘衍呈爲逆虜屠戮甚慘通灣商阻民逃事  
內稱據宜課司呈稱每年應解光祿寺麴價銀  
四千四百兩酒醋局本色淮麴十萬八千八百  
斤每年四季額解國子監本折色鈔錢二十九  
萬一千三十六文計銀四百二十八兩每年四

季額解太常寺猪價銀三百二十兩每年四季  
約解太倉濟邊銀一千五百兩每年約解寶  
和店條銀一千八百餘兩又斛斗註斛兩行經  
紀自取雜糧牙用每年四季多寡包解寶和店  
進

官錢糧一千一百餘兩總計本折不下萬餘但此稅  
原止以油麵二項為主雜貨其次取數極微額  
課難少向因張家灣係各處客貨總會之地得  
盈前額後因河道改衝固安龔村涿州新店等

岔道旁竇一開稅額遂損復遭山東荒亂麴  
更少缺數愈多那東補西終難足額除逐年  
補外尚欠天啓六七年崇禎元二年分光祿  
麴價共八千餘兩從何措補今又值此虜警  
賈離散百姓無歸客貨既無稅從何出等因  
據此看得宜課司商稅向爲旁漏積逋今  
缺數商民泣訴甚可悲憐無米作炊力必不逮  
合無從長酌議將節年舊欠并去年冬季商稅  
俯從題免其各項額稅從本年正月起容職細

查儘宜課司所收解納但不能循拘舊例責令  
賠累候事平日仍如額徵解至於應解酒醋麵  
局本色淮麴舊例每年死大二縣僉派車商推  
運百姓稱苦今合改令宜課司運解似爲妥便  
其各岔道處所當著令巡役稽查以塞漏卮等  
因到部通送到司奉此案呈到部該臣等看得  
通灣水陸通衢商賈輻輳原設有宜課司每歲  
應解本折不下萬餘而實入太倉者僅一千五  
六百金餘皆額設供應各衙門及寶和店條解



進

官之錢糧也自逆奴犯順澤民盡被虔劉行坐悉罹屠戮貨物斷絕稅何從出按臣董羽宸目擊慘心代請蠲減而乞運主事林弘衍復據宣課司申詳酌議前來及查前稅雖各有司存而審時度勢似難膠執除上年十一二月委應盡蠲本年正月起應如乞運主事所議細查收數盡數分解其不足者量從寬政俟事平日如額徵解但宜設法稽查毋令乘機乾沒可耳至於舊欠

光祿寺麴價歷年共八千餘兩委難取償於目  
前此亦必不得之數也況今新奉

恩詔積逋商稅原有蠲免之例似可希恩於望外矣  
若岔道走漏業經按臣禁戢其宛大二縣僉商  
運麴既屬苛政收宜課司自徵自運公私兩便  
均應如議伏乞

勅下臣部轉行各該衙門一體遵照施行

崇禎三年五月初一日具題本月初五日奉  
聖旨依議行欽此

題議臨務二關逋欠不前疏

題爲庫藏萬分匱絀歲解逋欠不前懇乞

天恩嚴勅戶部督催各關遵照

臣等謹將本年徵解以裨

上用事貴州清吏司案呈崇禎三年四月初四日奉  
本部送戶科抄出廣惠庫掌庫事內官監太監  
張廷陽等題前事等因四月初三日奉

聖旨該部知道欽此欽遵抄出到部送司案查先奉  
本部送臨清鈔關主事雷一鳳呈臨清關稅按

季起解本職自崇禎二年六月十一日到關接  
管起至本年九月初十日止計一季收過料稅  
本折等銀一萬三千三百三十六兩有零已起  
解訖自九月十一日起至十二月初十日止又  
計一季收過本折等銀一萬三千五十五兩有  
零比之首季數卽減矣已經分析本折起解及  
將額數不敷緣繇具呈蒙劄上緊搜抵以有餘  
補不足毋自畫也今三月初五日又奉劄諭據  
內府廣惠庫手本內稱臨清原額每年稅銀八萬

三千八百餘兩本折均解進庫每季該鈔二萬  
萬及查二年秋季鈔止解一百三十八萬之數  
何獨臨清一關阻撓藐法若此等因呈堂蒙批  
臨清近來商稅稀濶正稅多不敷額故于錢鈔  
亦有短少事關

內供大覺不便卽行劄督催解補劄行到關今照  
第三季自十二月十一日起至三月初十日止  
例當報解但所收稅料本折等銀止共二千四  
百餘兩較之前兩季虧至萬兩無論本折均分

卽全解本色仍少近額大半再四思維不得不  
備陳查得本關原額八萬三千有餘昔年多不  
及額繼東省荒亂商賈遷徙自萬曆四十二年  
以後漸次虧缺每年本折止收四五萬兩

元年會議遼餉各關加稅因臨清久缺原額並  
無加增崇禎元年十月內蒙本部題爲軍餉維  
艱等事減去原額二萬兩新定六萬三千兩其  
缺額不自今日可知節該管關各官拮据任事  
期完新額緣歲時有豐歉河路有通阻商貨

步故稅料有盈縮不等去歲本職接管先遭  
旱歲歉繼因漕船阻滯所收稍似不敷尚冀  
春商賈湊集以後補前不意奴酋內犯道路不  
通商賈却步自今年正月以及二三月間並無  
南來商貨疋段寸絲未見投報水路開壩止放  
回空漕艘陸路車馱又被拿載鉛硝舟子車夫  
絕跡大商小稅全無該州地方萬耳萬目近蒙  
嚴劄上緊搜抵卑職敢不自矢潔躬幾幸無罪  
况軍興正殷

內供急催凡屬臣子孰不急公但無米難炊點  
無術爲此控陳乞賜裁奪移文

內庫洞念百年未有之艱稅課委實虧縮俯賜  
原仍祈明示目下第三季稅銀甚少不便本折  
分析作何解納以憑遵奉施行及准河西務主  
事劉孔敬回稱照得錢鈔之豐吝在船料之多  
寡查得本關第二季應解錢鈔自崇禎二年十  
一月二十一起至三年二月二十日止除河  
凍無船外自二月初九日始得水泮船料名雖



一季實止十一日共放過大小船三十七隻本色鈔一千六百四十貫本色錢三千四百五十九文況值虜警商船裹足所徵錢鈔爲數不多除經呈部候第三季搭解外相應回覆等因其淮安鈔關秋冬未解屢經移文行催問今於崇禎三年四月二十八日奉本部送據管理淮安鈔關主事李春英呈報崇禎二年秋冬二季該前任主事張兆璋任內自七月初一日起至十月三十日止本官因病勢危篤不能視事於十

一月初一日具文呈詳總漕部院告病辭印  
初二日病故蒙批漕運理刑刑部主事王先帶  
管關務自十一月初一日接管起至本月二十  
九日止該職自十二月初一日履任接管起至  
三十日止以上三職任內共監收過折色及助  
餉解太倉銀四千八百九十一兩八錢六分新  
餉庫銀九千一百零五兩

內庫錢鈔價銀三千五百六十兩零扣省銀四百  
三兩二錢零各等因前來通查在案案呈到

該臣等看得各關額解

內庫錢鈔原供

內庭賞賚軍士折色本部督責考覈倍爲加意在  
受事各官俱念切急公每歲按季解進未敢絲  
毫緩也自奴虜內訌以來道路梗塞徵解漸遲  
查上年秋季許墅北新二關陸續俱已解到差  
役甫回其冬季想已不日就道而九江揚州二  
鈔關秋冬俱已到矣河西務自去年十一月二  
十一日起至今年二月二十日止河凍無船逮

於水泮之後所收船料極爲零星不便進解  
候下季搭解至於臨清舊額八萬三千八百餘  
兩歷年不能足額臣部於軍餉維艱疏內已題  
明減額二萬期於必完但歷年所解總未如數  
自去年十二月至今三月初旬商賈裹足所收  
不及三分之一分解

內庫似未能按額而苛責也淮安秋冬二季未到  
實緣管關主事張兆璋物故又經理刑主事王  
先帶管方及新任主事李春英秋冬之間

其官今二季俱解到京已無欠大抵各開錢糧  
事係

內供誰敢不兢兢奉解唯謹惟是原額屢加各逾  
數倍當承平無事之時且若徵解維艱况虜倣  
風鶴之餘益覺湊泊難前其各閑稍可甦勉者  
多東那西補以求無隕越而後卽安惟如河西  
臨清勢必不能完者終不能不乞

恩於寬政耳儻

宗社有靈奴虜旦晚剪滅於以復舊額無難矣旣經

度支奏議

內庫題

請前來理合題覆恭候

命下遵奉施行

崇禎三年五月初四日具

題本月初七日奉

聖旨內供缺乏除臨務二關迫罄稍需餘還嚴行督

辦毋得遲悞欽此

覆九江鈔關主事洪周祿條議四款疏

題爲目擊時艱持籌無補敬條陳久弊之權規以  
少效涓埃之搜括事貴州清吏司案呈崇禎三  
年四月十八日奉本部送戶科抄出管理九江  
鈔關本部浙江清吏司主事洪周祿奏前事四  
月十六日奉

聖旨戶部知道欽此欽遵抄出到部送部奉此案呈  
到部看得九江鈔關主事洪周祿條議四款其  
一汰闕後以助餉夫有是關應有是役惟是本

開役隨官轉更換靡常變幻百出且若輩巧於鑽營者必工於詐騙既以請托而來必將飽壓而去雖有舊役新收實未更弦易轍耗課剥商莫此爲甚今若議定額設庶幾人有固志稍自愛惜而又各令捐納助餉原非強索俱出樂輸無事搜求有裨供億於以明法紀而杜夤緣直救時之良策也文到仍將額設名數造冊報部輸納銀兩依期解進嗣有作奸犯法者嚴加究革擇人更換并將頂首銀數扣解充餉不許私



相授授則法令嚴而人心惕可以垂諸永久矣  
次則釐宿弊清解冊捐公費三款或革積習以  
寬商賈之吞啖或分款項以便銷美之清楚或  
捐公費以補工食之闕乏均於關政有裨俱應  
依擬無煩再議者也抑臣因是而廣其說焉權  
稅衙門原無差等承應各役豈甚逕庭今潯關  
一議清汰便得助餉銀四十兩苟他處俱倣此  
行之於清冗釐弊之中寓急公同仇之念當此  
三空四盡之秋積之涓滴漸成江河其有裨於

國課豈淺鮮哉伏乞

勅下臣部通行各差一體申飭遵照施行

崇禎三年四月二十八日具

題五月初一日奉

聖旨洪周祿清釐各款俱於權政有裨各差依議一

體飭行欽此

覆通鎮督部破格蠲賑通灣疏

題爲重地殘破已極軫念當亟伏祈

聖明破格蠲賑以安近畿事貴州清吏司案呈崇禎  
三年六月二十六日奉本部送戶科抄出

欽命督治通鎮軍務兵部左侍郎范景文題前事崇  
禎三年六月二十四日奉

聖旨通灣重地殘破可憫范景文加意防護具見料  
理稅課暫停該部酌議具奏其賑濟事宜著地方  
官委曲設處務使流移復業以昭朝廷軫恤至意

該部知道欽此欽遵抄出到部送司查得張學之  
在畿東爲水陸通衢商賈輻輳之地自罹殘破  
之後貨物稀少市井蕭條先該巡按御史董羽  
宸目擊時艱條議困苦該本部行兌運主事林  
弘衍查明覆奉

欽依將崇禎二年十一二兩月各項商稅并節年扣  
欠麴價盡行蠲豁其今春正月以後如兌運廳  
議儘宜課司所收解納不能循拘舊額在卷惟  
是張灣房號牙稅向未議及今督治樞臣撫撫

凋疲首以二項爲請該本部復行通州乞運  
事林弘衍備查源委去後今據回稱房號一事  
通州與張灣皆有而張灣僅十之二其稅不齊  
總以屋之大小爲計錢糧則充府州供應之需  
暫停不妨更有斛斗註斛牙稅一項亦係張灣  
經紀之事計八十八名每季認納寶和店牙稅  
二百八十兩三錢五分其所取覓牙用皆南來  
雜糧到灣發賣此輩代爲較量斛面故名曰斛  
斗註斛去冬虜變以來掠殺無數今聞僅存其

半兼以南糧稀少苦輦粉骨難償應議蠲  
季此後亦聽糧到多少以憑報納可也此項向  
係經紀認納自行辦課故前請未及昨據宜課  
司大使羅萬順開來細爲酌議謹補牘具懇  
於商稅之類春季俱已解納正月分再爲停免  
總是虛名似亦可已等因通行案呈到部該臣  
等復看得張灣房號有稅原謂市廛開張貨賣  
獲利甚饒故令納稅以供府州之支用今居民  
商賈十室九空稅從何出乎牙稅出自斛斗

紀當此才遺之餘南糧稀少之會救死不贍猶  
欲仍責以認納此不可得之數也樞臣疏謂撫  
之而猶不可得何如捐之因以爲惠真有味乎  
其言之矣第停免於一時而取償於後日則停  
免僅有空名而商賈未霑實惠合無將房號銀  
自本年正月起至六月止暫蠲二季經紀註解  
之稅事關

內供暫免一季以後照舊徵收庶鴻鴈皆願還集  
而商賈亦樂出途矣既經督治通鎮樞臣具題

前來相應覆

請恭候

命下臣部通行各該衙門一體遵奉施行

崇禎三年七月十八日具

題本月二十一日奉

聖旨依議行欽此



覆貴州解到抽扣充餉銀兩疏

題爲遵

旨回奏事貴州清吏司案呈崇禎三年九月初十日  
奉本部送戶科抄出貴州等處承宣布政使司  
左布政使朱芹奏前事等因崇禎三年九月初  
八日奉

聖旨這充餉銀兩解到查收貼黃與本內數不合何  
故著查明原批審問解官具奏戶部知道欽此欽  
遵抄出到部送司奉此查審開奉本部送據解

餉省祭官馬承祿呈稱祿蒙貴州布政司差解銀兩查照戶兵二部原催文案一件遵

旨回奏事內該搜括各項銀共四千零一十兩四錢六分一釐八毫八絲一忽解赴戶部一件遵

旨議立考成等事該缺官柴馬銀共三千零五十七兩三錢一分一釐二毫四絲一忽八微解赴兵部二項共銀七千零六十七兩七錢七分三釐一毫二絲二忽八微各具本題

奏回請赴戶兵二部交納該布政司止照呈部

文內總開起解二部銀數填寫貼黃遂未分補  
二項及解戶兵二部字樣以致貼黃與本內銀  
數不合委無別項情弊伏乞俯念荒殘邊省從  
無分銀起解京庫准行回

奏納銀兩批等情到部奉批到司奉此查得黔省  
自安酋發難以來並無分文錢糧解京今該省  
奉

旨起解抽扣稅契等項銀四千餘兩解本部又將缺  
官柴馬銀三千餘兩解兵部二項共七千餘兩

及查遵

旨回奏疏內止有搜括抽扣等銀四千餘兩而貼黃  
內却并入兵部缺官柴馬銀數以致兩不相投  
備查本部批文止抽扣一項銀四千餘兩但申  
文內亦經開載兵部柴馬銀三千餘兩之數雖  
題疏與貼黃委屬矛盾然無別項情弊相應回  
奏案呈到部該臣等看得貴州左布政使朱芹差  
官馬承祿解銀二項一爲搜括抽扣等銀四千  
餘兩解臣部一爲缺官柴馬等銀三千餘兩解

兵部原係兩疏具題兩部分解而貼黃則合而  
一之甚矣其混淆也但黔省界在天末從來非  
索協濟而無解部銀兩其章疏體裁或多未諳  
故不免錯誤耳若繩以奏對之體則布政朱芹  
當在罰俸之列若憐其僻遠遐荒急公初至特  
從寬政是則

聖明之特恩而非臣等所敢擅議也

崇禎三年九月十八日具

題本月二十一日奉

聖旨這批解銀兩既查無別弊知道了欽此

覆貴州巡按恭報屯田新增穀石的數疏  
題爲恭報屯田新增穀石的數并陳愚見條款伏  
乞

勅下議覆永久遵行以貽賒疆萬年不拔事貴州清  
吏司案呈崇禎三年九月十六日奉本部送戶  
科抄出巡按貴州監察御史蘇琰題前事等因  
崇禎三年九月十三日奉

聖旨貴州素鮮積貯連年借助隣餉數鍾致一未免  
饑疲自王國禎等建城墾屯穀石歲增已見成効

今復割取蘭地允宜經理以垂永賴這所奏築城  
建倉丈田杜訟四款即與議行屯田實數知道了  
張允登莊烈朱家民等酌量叙錄王瑛應否起用  
著該部一并議覆欽此欽遵抄出到部送司奉  
內張允登莊烈朱家民等并王瑛叙錄起用應  
聽吏兵二部議覆外所有築城等四款相應覆  
議舉行案呈到部該臣等看得貴州一省遠居  
天末山川相錯民苗雜居地多荒蕪民鮮蓋藏  
居恒每移粟於他方有警輒束手以待斃王成



之困奚怪斗米十兩而人且相食也屯田力農  
誠黔中之首務矣今據按臣蘇琰條議四款其  
一爲建城堡夫苗性難馴搶奪成習勢必至於  
格鬪而使小民易去其鄉故當教之成城作堡  
以爲保聚之計若因石於山而用力於兵則城  
堡亦非難事也黔中王國禎等陸廣乾溝之間  
業已底績而見効矣繇此擴而克之務使多築  
城堡連絡相望則民得樂土而藏納不苦於無  
所雖苗有戎心而備禦不患於無策按臣所謂

有城則有人有人則有田卓哉名言誠救黔之  
急著也其二酌清丈黔中之田原不論頃畝而  
止論段落猶未脫荒服之習俗也夫疆界不明  
則升科無據今當倣省直例亟行清丈之法其  
丈則在秋收之後其徵則用本色之糧而又徵  
逐貴賤權子母以佐兵餉按年起課權久近以  
平民情斯誠富

強兵之道也其三謂建倉廩黔中之粟不入城  
邑多收莊房城門一閉則糊口無資矣又用竹

用露積不建倉廩率多浥爛夫積儲爲經用  
急務而貯倉又爲可久之長策按臣注意於此  
令福兵之能爲匠者教之砌石加磚以防人教  
之加板透氣以禦濕從此黔粟可以久藏不壞  
而豐凶其有備矣其四禁畧訟夫屯田之法最  
難於創始而屯田之利最易於垂延於是有以  
久棄之地召民開墾甫墾而豪強積猾不曰祖  
遺產業則曰有糧荒田時移事遷官更吏改訐  
告之詞叠至襲取之術甚工不壞爲已有不休

也鄉愚力田數年辛苦一旦化爲烏有故雖多方無治而應之者十無一二按臣此議得於目擊之餘切中時弊肯綮亟宜申飭杜絕永著爲令者也以上四款皆黔民足食之良圖黔省善後之長策均於軍

國有裨相應依擬覆

請恭候

命主臣部咨行督按及布政使司一體遵守施行

崇禎三年九月二十五日具

題十月初三日奉

聖旨墾屯積貯旬屬良圖但須地方官慮始要終永  
垂經制這條覆四議既屬黔省要策俱著着實舉  
行內清丈一款畫界升科務期綜核有法毋致滋  
弊擾民該衙門知道欽此

覆貴州解到賦役裁減銀兩充餉疏

題爲欽奉

明旨事貴州清吏司案呈崇禎三年九月初十日奉  
本部送戶科抄出貴州等處承宣布政使司左  
布政使朱芹奏前事等因崇禎三年九月初八  
日奉

聖旨這解到銀着查收既說裁減數多如何先解止  
此該部知道欽此欽遵抄出到部送司奉此查得  
該省貴陽等十府查造賦役全書裁減冗官冗

明倫彙編 家範典 卷一百一十五  
役柴薪工食等項銀共計九千四百四十六兩  
七錢九分一釐九毫六絲四忽內除新加重派  
濫科等銀四百零四兩九錢二分四釐六毫九  
絲遵

旨蠲豁以還小民外自崇禎三年起尚該歲解銀九  
千零四十一兩八錢六分七釐二毫七絲四忽  
此應解部充餉之的數也今內止思州府申解  
裁減過銀共三百一十七兩五錢三分一釐八  
毫到布政司該司即給文差官轉解到部餘

該銀八千七百二十四兩三錢三分五釐四毫  
七絲四忽俟全書纂輯裁定奏

請俞允方敢申解是以報數雖多而先解者止恩州  
一府之銀所以止此前數耳原無別項情弊相  
應具覆案呈到部該臣等看得黔省僻處遐荒  
民苗雜處兼以兵革相尋饑饉荐臻遼餉向無  
加派賦稅不入

內供者積有年所矣今該布政使朱芹遵纂輯全  
書之



聖明清賦德意釐冗滌濫縷析條分除應還小民者  
旨仰體

遵

旨蠲豁以昭

聖恩外尚歲解銀九千餘兩是非留心

國計加意綜理何能令各屬奉行惟謹若此查黔  
省賦稅丁徭僅額七萬餘兩而今裁減近萬以  
充軍興之需真可謂急公慕義者矣相應紀錄  
以爲各省直之勸者也至於先解銀兩查係一

府之數業經劄收其已報未解數目因候裁定  
方行起解既經該司查報前來合候

命下臣部照會該省勒令起解施行

崇禎三年十月初二日具

題本月初八日奉

聖旨這貴州解到裁減銀兩止思州一府知道了其  
餘酌量着照數起解充餉朱芹釐冗急公俟完日  
准與紀錄欽此

題請給發昌平神馬料草價值疏

題爲給發

神馬料草價值事貴州清吏司案呈准管理昌平糧儲主事宋開春手本前事內稱本鎮每年額給

定陵衛市花銀五十七兩五錢昌平州馬草銀九十  
八兩俱按數查給其

定陵

慶陵

德陵

神馬料草及營州左屯衛布花銀例將支領過實數報部銷筭俱於年例內帶題今照崇禎二年分前項

神馬料草價值銀二千九百九十七兩二錢二分四釐一絲營州左屯衛布花銀一百六十八兩三錢俱於主客餉銀通融墊借應用未蒙帶題相應題發以補年例等因到司查得

定慶德三陵神馬料草銀營州左屯衛布花銀每季

各支不等例於每年終將用過實數移會本司  
方行題發又

定陵衛額設布花銀五十七兩五錢昌平州額設馬  
草銀九十八兩俱係年例之外應於年例疏內  
查入按數創行太倉給發今查崇禎二年該鎮  
報稱於年例內通融墊借過

三陵馬草銀二千九百九十七兩二錢二分四釐一  
絲營州左屯衛布花銀一百六十八兩三錢

定陵衛布花銀五十七兩五錢昌平州馬草銀九十

八兩俱經報部緣自軍興以來舊規年例題疏  
因各鎮支領不一是以暫止前項銀兩已經該  
鎮給發去訖相應另題補給年例呈堂蒙分項  
批查

神馬年久有無倒損增減草價太高何時所定昌  
平州馬草銀何人取用營州衛布花亦當在年  
例內而今另請何也復經移文昌鎮糧儲主事  
宋開春回稱查得

定慶德三陵神馬按月該監開報見馬本鎮照數給

與料草若有倒死即行開除永不買補但內監所用料草月不過五若稍遲緩動輒以羸瘦爲詞又有鋪墊賠累之苦應此商者視爲陷穽多畏避焉及查草價二年分所用之草乃上年先已置買支放請示故照上年分本部定價題

准計筭實非本鎮所敢擅爲浮議若以今秋時值計筭上年買備墊已久似應照舊題補其昌平州馬草銀九十八兩卷查萬曆十三年准本部福建司手本開稱應解昌鎮民運因該州奉

旨蠲免京運補發是以每年另請帶題給發爲額餉  
通融支放非另有別項取用也再查營州左屯  
衛布花查萬曆會計錄內開該衛原屬薊鎮萬  
曆元年改屬昌鎮應有布花銀兩每年在於額  
外帶題給發分散各軍成規已久不知始自何  
年並無別項情弊等因呈堂蒙批

神馬草價准每束四分不許奸商高擡時價其營  
州布花并昌平馬草既在年例之外准照題給

※此內該



定陵衛及營州左屯衛布花銀共二百二十五兩八

錢昌平州馬草銀九十八兩應照舊例題發又

三陵神馬豆草價值共用過銀二千九百九十七兩

二錢二分四釐一絲今每草一束裁減銀九釐

共草三萬三千九百九十束應減銀三百五兩

九錢一分實給銀二千六百九十一兩三錢一

分四釐一絲通共銀三千一十五兩一錢一分四

釐一絲相應題發案呈到部該臣等看得該鎮

神馬料草及布花等銀舊例俱於年例內帶題自

去冬軍興以來給發旁午年例舊疏向未舉行  
是以前項銀兩未經帶題其應用銀兩該鎮既  
於年例內通融給發今應給補以足軍需復經  
駁查明白擬合具題劄庫給發銀三千一十五  
兩一錢一分四釐一絲恭候

命下臣部劄行太倉銀庫照數給發施行

崇禎三年十一月初四日具

題本月初七日奉

聖旨是欽此

題叅崇文門奸書侵盜官銀疏

題爲奸書侵盜官銀現獲真贓謹據實申報以便  
題叅正法事貴州清吏司案呈奉本部送據管  
理崇文門分司主事包鳳起呈前事竊照本職  
自到任以後一應銀錢無論一分一文俱令進  
庫封鎖吏書無容侵盜蓋稔知以前奸書之故  
習也職猶慮積慣難破不容不一清查親自到  
各房搜驗隨于敗紙之下搜出陳錢一堆貫索  
已朽職驚愕之甚詰問該房據該房稟稱係崇

禎二年宋主政管差征收天啓七年以前拖欠  
錢糧以彼時未會上號起解所以停留該房職  
卽刻將錢查盤共十六萬文又有一匣內有銀  
百兩職隨曉示各行令其告首隨據各行經紀  
陳忠等告首云崇禎二年宋主政在任帶征以  
前拖欠約三千餘兩書辦錢祚胤戴王恩陸可  
忠俱不上號起解彼時陸續偷盜在家肥己今  
該房銀錢以上年各犯被東廠鞫問不得復進  
衙門是以餘留若干不過十中之一等情爲據

稅課司書役之作弊其來久矣然未有如錢祚胤等之膽大包身徑將已征在官銀錢匿不上號盜充私囊者也使非上年犯事挈問則今日十六萬之錢壹百兩之銀不知盜轉幾時矣職若不親入該房搜驗則此項銀錢祇供將來偷盜之資耳訪得見在錢房書辦唐昇喬當日錢祚胤應役之時曾在衙門充寫必有朋謀瓜分之弊伏乞准呈具題將錢祚胤等發問追贓以充軍餉庶奸書知儆

國課有裨矣等因到部蒙批貴州司查議明確仍將搜獲原簿銷算具題該本司會移主事包鳳起細查去後今據開報原簿內收過銀三百三十四兩有零錢五十五萬一千文有零該門舊例每銀一兩該錢六百六十文共算該銀八百三十五兩今據書役房內查盤出錢十六萬文匣內銀一百兩其餘銀錢俱係各役侵肥但錢祚胤等已被東廠鞫問其見在者止一唐昇喬也相應題叅案呈到部該臣等看得錢糧正值

匱乏商稅急需應用臣部屢經申飭常恐不能  
滿額此何等關切事而可任胥役之侵漁飽奸  
貪之谿壑也查主事宋治寧管崇文門稅務事  
在崇禎二年其見年所收解者亦頗如額惟是  
徵收元年以前拖欠稅銀原係零星之數彼時  
暫令書手錢祚胤等收掌原俟全完之日彙總  
上號起解太倉不料宋治寧差滿之時前銀未  
得全完不便上號未幾交代遂值虜警軍興倏  
劇竟致遺忘而錢祚胤等遂各乘機隱匿盜轉

亦大可恨矣逮崇禎三年六月間錢祚胤等破  
經紀陳忠爲改單事告發東廠奉

旨挈問業下法司擬戍追贓是以盜轉銀錢尚有遺  
留該房而未及盡取者今主事包鳳起刻意振  
刷搜得真贓并獲底簿錢祚胤戴王恩陸可忠  
三犯侵盜之罪夫復何說之詞雖經紀告首三  
千兩未必盡的而按簿查算共該一千餘兩該  
房所存纔三百餘夫固明明有據者也據包鳳  
起稱戴王恩陸可忠被挈之後其盜轉未盡錢



糧尚有塵封未動者獨祚胤一房盜轉一空其  
下手書辦唐昇喬明謀瓜分厥罪誠有難辭者  
矣臣部覆核不爽據實

上聞伏祈

勅下刑部將前已犯問遣錢祚胤戴王恩陸可忠并  
現役唐昇喬嚴鞫追贓依律究罪庶奸宄知儆  
而

國課有裨矣至於主事宋治寧誠以御物疎於發  
奸交代未明亦難辭責然積書奸宄實出意想

之外治寧續陞京糧廳郎中見在丁憂仍俟服闋之日所當罰俸半年以儆疎縱者也

崇禎四年四月初七日具題本月初十日奉

聖旨唐昇喬着刑部提去同錢祚胤等嚴鞠追贓擬罪具奏錢糧收納分毫皆宜清楚何謂未得全完不便上號竟致遺忘宋治寧疎玩縱奸溺職可知着吏部議處來說司官差滿該部不嚴加考核及至事露復代爲飾庇豈率屬奉公之誼今後還通行申飭該衙門知道欽此

覆崇文門包主事條陳門稅五款疏

題爲特釐商稅諸弊仰裕

國課伏乞

天語申飭以便遵行事貴州清吏司案呈崇禎四年  
三月二十六日奉本部送戶科抄出本部湖廣  
清吏司主事包鳳起奏前事等因崇禎四年三  
月二十四日奉

聖旨這釐數門稅各款著該部看議具奏欽此欽遵  
抄出到部送司案呈到部該臣等看得軍興費

繁仰給關稅崇文門商稅之設也法未始不善  
額未始不盈迄今而事久弊生以爲之梗語云  
木蠹而本傷政蠹而事敗非加十分釐剔必至  
諸商裹足羣役肥囊干

國儲奚賴焉該門主事包鳳起之列五款而請也  
蓋實心料理誠目擊其弊而思以清之也我

皇上之命臣等看議也恐改絃于久弛必駭而立法  
于乍起疑辦也臣等披閱欵項逐一斟酌敢據  
實爲我

皇上陳之一曰先納稅看得各關隘之先納稅而後放行也以貨爲之質也該門先放後納其視額稅也似同既棄之繻漫謂無稽之券而况書役改單諸弊種種乎據議按貨而起課稅完而放行監督身歷其事上無蒙弊之虞商人納完卽行下省叫囂之擾則納稅先之便一曰謹庫藏看得各關俱有銀庫而露處城外者則寄之州縣該門隨收隨解銀不必貯而暫爲安置豈得無肩鑰之區倘仍令書役收存其漁侵蠶食安

能必攢解時一一秋毫晰也故惟收貯在庫而後侵蝕之弊不生則庫藏謹之便一日嚴稱對看得門稅以裕

國也亦必求無病于商則稱對爲第一要務往聞天平不平法馬不法該門之副使當該以陪補爲名而陰加額外之耗該司因經驗無暇而反虧額內之需是唯本商當堂面交該司對針親允爲至法勿低勿昂而員役之鼠竊無賓卽羣商之磨至無阻矣則稱對嚴之便一日

查隱漏看得隱漏之爲稅事大弊也始則衙役與商爲難而嚇欲禦干

國門之外繼則商與衙役作緣而隱且工爲飛渡之術至於牙僧等役私意承攬無影可尋覺察精明尚或減多報少防範少疎遂至漏網吞舟但令報首得真何妨照例給賞或者仇扳無據正須研審得情是查之一字可思也則隱漏查之便一日緩舊征夫稅何舊卽前放而納未完稱對而額未足者是也奸役奸攬諉之于諸

商則諸商已換矣波旣杳于旣逝有保有召拷  
之于羣棍則羣棍有死耳利曾拔其一毛官事  
追呼吏顙獵騙而事外者受累矣寬其舊而急  
其新亦用一緩二之遺意也况前弊旣革則後  
欠漸消人情亦甚樂輸也但就中有不盡逃亡  
事故及赤身無賴者查覈明確設法帶徵似亦  
不容已耳則舊征緩之便蓋主事包鳳起赤心  
任事洗手奉公其于釐剔五款業已斷在必行  
以仰副我



皇上裕

國通商至意臣等復爲叅酌擬議上

請伏候

皇上鑒察小臣奉職苦心

命下臣部行令本官一體欽遵臣且以此定本官之  
殿最焉

崇禎四年四月十三日具

題本月十六日奉

聖旨這酌覆門稅五款俱於清楚有裨依議着實飭

庚子年

行欽此